

Ministarstvo unutrašnjih poslova Kantona Sarajevo, La Benevolencija 16 koje zastupa
Ministar Admir Katica (u daljem tekstu: Kupac)

i

SHOT d.o.o. Zenica, Zmajevačka cesta 55C, ID: 4218126090005 koje zastupa direktor Vedran
Ključanin (u daljem tekstu: Dobavljač)

zaključili su:

ANEKS 4 UGOVORA O NABAVCI VIŠENAMJENSKOG HELIKOPTERA SA PRATEĆOM OPREMOM

Član 1.

Ugovorne strane saglasno konstatuju da su dana 04.06.2024. godine zaključile Ugovor o nabavci višenamjenskog helikoptera sa pratećom opremom broj: 05-1-30-1-3436-16, te da su zaključile Aneks 1 Ugovora broj: 05-1-30-1-3436-16 od 30.09.2024. godine, Aneks 2 Ugovora broj: 05-1-30-1-3436-16 od 27.01.2025. godine i Aneks 3 Ugovora broj: 05-1-30-1-3436-16 od 27.10.2025. godine.

Ugovorne strane konstatuju da je, prema obavještenjima proizvođača Bell Textron Inc., došlo do izmjene dinamike isporuke helikoptera, zbog čega je potrebno uskladiti rok isporuke helikoptera i rok važenja bankarskih garancija.

Član 2.

Ovim aneksom ugovorne strane saglasno utvrđuju da se mijenja Član 7. stav 1. Ugovora, u dijelu koji se odnosi na rok isporuke helikoptera, i da isti u tom dijelu glasi:

„Dobavljač će Kupcu dostaviti Helikopter na pregled u plovidbenom stanju kao što je navedeno u Detaljnoj konfiguraciji, najkasnije do 30.09.2026. godine.“

Ostale odredbe Člana 7. Ugovora, koje nisu u suprotnosti sa ovim Aneksom, ostaju na snazi.

Član 3.

Ovim aneksom ugovorne strane saglasno utvrđuju da se iza člana 10., i člana 10. a., Ugovora, koji se odnosi na garanciju za dobro izvršenje ugovora dodaje novi član 10. b., koji glasi:

„Dobavljač se obavezuje da će Kupcu dostaviti produženje postojeće bankarske garancije za dobro izvršenje ugovora ili novu originalnu i neoštećenu bankarsku garanciju za dobro izvršenje ugovora, sa rokom važenja najmanje do 30.09.2026. godine. Produžena odnosno nova bankarska garancija za dobro izvršenje ugovora mora biti dostavljena Kupcu najkasnije do isteka roka važenja trenutno važeće bankarske garancije za dobro izvršenje ugovora. Produžena odnosno nova bankarska garancija mora zadržati iste bitne elemente kao postojeća garancija, uključujući iznos, korisnika garancije, osnov izdavanja, svrhu obezbjeđenja, plativost po pisanom zahtjevu korisnika garancije i ostale uslove koji ne smiju biti nepovoljniji za Kupca.“

Ostale odredbe Člana 10. Ugovora i Člana 10a., koje nisu u suprotnosti sa ovim Aneksom, ostaju na snazi.

Član 4.

Ovim aneksom ugovorne strane saglasno utvrđuju da se iza člana 11. Ugovora, koji se odnosi na garanciju za avansno plaćanje, dodaje novi član 11. a., koji glasi:

*„Dobavljač se obavezuje da će Kupcu dostaviti produženje postojećih bankarskih garancija za avansno plaćanje ili nove originalne i neoštećene bankarske garancije za avansno plaćanje, sa rokom važenja najmanje do **30.09.2026.** godine. Produžene odnosno nove bankarske garancije za avansno plaćanje moraju biti dostavljene Kupcu najkasnije do isteka roka važenja trenutno važećih bankarskih garancija za avansno plaćanje. Produžene odnosno nove bankarske garancije moraju zadržati iste bitne elemente kao postojeće garancije, uključujući iznose, korisnika garancija, osnov izdavanja, svrhu obezbjeđenja, plativost po pisanom zahtjevu korisnika garancija i ostale uslove koji ne smiju biti nepovoljniji za Kupca.“*

Ostale odredbe Člana 11. Ugovora, koje nisu u suprotnosti sa ovim Aneksom, ostaju na snazi.

Član 5.

Ukoliko Dobavljač ne izvrši isporuku helikoptera u roku iz Člana 2. ovog Aneksa, Kupac zadržava pravo da, u skladu sa Ugovorom, prethodno zaključenim aneksima, dostavljenim bankarskim garancijama i važećim propisima, aktivira odgovarajuće instrumente obezbjeđenja i koristi druga prava koja mu pripadaju po Ugovoru.

Član 6.

Ostale odredbe Ugovora o nabavci višenamjenskog helikoptera sa pratećom opremom, ostaju na snazi i ne mijenjaju se, osim u dijelu koji je izričito izmijenjen ili dopunjen ovim Aneksom. U slučaju nesaglasnosti između odredbi ovog Aneksa i odredbi osnovnog Ugovora ili prethodno zaključenih aneksa, u dijelu koji je predmet ovog Aneksa primjenjuju se odredbe ovog Aneksa.

Član 7.

Ovaj Aneks je sačinjen u šest (6) istovjetnih primjeraka, od kojih po tri (3) primjerka zadržava svaka ugovorna strana.

Član 8.

Ovaj Aneks stupa na snagu danom potpisivanja od strane ovlaštenih predstavnika obje ugovorne strane i traje do realizacije osnovnog Ugovora, odnosno do izmirenja dužničko-povjerilačkih odnosa između ugovornih strana.



Dobavljač:
SHOT d.o.o. Zenica

Direktor Vedran Ključanin
Broj: 24-025-KRI
Datum: 01.07.2026. god



Kupac:
MUP Kantona Sarajevo

Ministar Adnan Katica
Broj: 05-130-1/3436-16
Datum: 01.07.2026. god.